

Cilgia Rest surpiglia la direcziun da la BCG per la regiun da Scuol

Cuira, ils 10 da december 2019 – Cilgia Rest surpiglia il 1. da schaner 2020 la direcziun da la BCG da la regiun da Scuol e daventa uschia la successura da Richard à Porta. Suentar 42 onns tar la Banca Chantunala Grischuna (BCG) va el en pensiun la fin da schaner. Uschia occupa per l'emprima giada tar la BCG ina dunna questa posiziun da cader.

Cilgia Rest è creschida si a Susch ed ha lavurà tar la BCG dal 1994 fin il 2005. Suentar duas ulteriuras staziuns professiunalas è ella returnada tar la banca il 2010. Actualmain è ella manadra da martgà da las interpresas pitschnas e mesaunas (IPM) a Scuol. Il 1. da schaner 2020 surpiglia ella là la direcziun regionala. Cun ses team da 24 personas è Cilgia Rest responsabla en il futur per la BCG da la regiun da Scuol cun las agenturas a Scuol, Müstair, Zernez e Samignun. «Jau ma legrel fitg sin la nova sfida. Ensemen cun mes team motivà purschain nus a nossas clientas ed a noss clients tut ils servetschs da banca. Latiers tutgan investiziuns, finanziaziuns, provediment ed administraziun da la facultad», uschia l'Engiadinaisa da 45 onns.

Richard à Porta va la fin da schaner 2020 en pensiun, e quai suenter 42 onns tar la BCG – da quels è el stà 25 onns manader da la regiun da Scuol. Las midadas radicalas en la branscha da finanzas durant ses temp tar la BCG valitescha el sco sfida che ha pretendì flexibilitad maximala. «Il contact persunal cun las clientas ed ils clients sco era cun las collavuraturas ed ils collavurats m'è adina stà a cor. La midada tecnologica dals ultims decennis n'ha midà nagut vi da quai. La digitalisaziun actuala ves jau sco schanza. Ella simplifitgescha la collavuraziun e la comunicaziun entaifer la banca e cun nossa clientella», di à Porta retrospectivamain. La direcziun al engrazia per ses grond engaschi da plirs onns e giavischa tut il bun per la proxima part da la vita.

Contact per ils collavurats da medias:

Banca Chantunala Grischuna, Medias & Investor Relations, chascha postala, 7001 Cuira

Thomas Müller, thom.mueller@gkb.ch, telefon +41 81 256 83 11

Plutarch Chiotopulos, plutarch.chiotopulos@gkb.ch, telefon +41 81 256 83 13

La Banca Chantunala Grischuna sin:

gkb.ch/medien | [Twitter](#) | [Facebook](#) | [Instagram](#) | [YouTube](#) | [Flickr](#) | [Xing](#)

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' dovra per ina banca universal moderna – per personas privatas, l'economia ed il maun public. La banca occupa 999 collavuraturas e collavurats (stadi dals 30-06-2019). En il chantun Grischun cun sias numerusas vals e pliras linguas, è l'interpresa represchentada cun 52 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA a Turitg ed a la Albin Kistler SA a Turitg. En il rendaquint semestril preschenta ella cun ina summa da bilantscha da CHF 26,6 milliardas in gudogn dal concern da CHF 100,5 milliuns. Il scrit da participaziun BCG è quotà a la bursa dapi ils 10 da settember 1985.

Termins

Quint annual 2019: 7 da favrer 2020

Radunanza dals participants: 25 d'avrigl 2020
